

УЛААН ТОБШО

Нэгэтэ Дулма улаан тобшо олоод, тэрэнээ хармаан руугаа хэбэ. Хажуудань улаан пальтотой басаган дүтэлжэ ерээд, һаңдали доогуур юумэ бэдэрбэ.

— Улаан тобшо хараа гүш? — гэжэ асууба.

— Харааб! Энэл даа,— гэжэ хэлэмсээрээ, улаахан тобшо харуулба. Тэрэ басаганай абахаа һанахадань, Дулма:

— Шинии гэжэ би хаанаһаа мэдэхэбиб: эндэ ямаршье тэмдэг үгы ха юм,— гэжэ хэлээд, тэрэнээ саашань нюуба.

— Тэрэшни миниил даа, миниил даа! Харана гүш, пальтодом дүрбэн тобшын орондо гурба үлөөд ябана ха юм. "Олоһон олзоёо хүндэ үгөөд ябабал, һаһандаашье баяжахагүйш!"— гэжэ эжынгээ хэлэдэг һургаалые һанаандаа оруулһан Дулма:

— Шамда үгэхэгүйб! Би олооб, энэшни минии болохол!
— гэжэ сухалтайгаар хэлээд, саашаа гүйшбэ.